

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LXIV.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

A. 1564.

PARS TERTIA.

139

pestivo quodam metu magis, quam aeris infectione perire, & plures ferè ^{λεπῶν} quam ^{λοιμῶν} extingui. Sed sic visum est Domino, qui & capillos capitis nostri numeravit. Habeo hic Studgardiaë collegam, M. Theophilum Cleberum, juvenem doctum, & fidelem ecclesiae ministrum. Hujus frater, cui nomen est, M. Nathanael Cleberus, perit apud vestros functionem scholasticam. Et si autem mihi non est notus, tamen facio de eo conjecturam ex fratre collega meo. Et gubernavit hæcenus octo annis Scholam Memingensem. Audio quoque, te fuisse discipulum parentis ipsorum, è quo & tu ipse de filio judicare potes. Hunc Nathanaelem tibi comendo, quod & tuo favore dignus videatur, & sperem, operam ejus vestrae scholae utilem fore. Bene ac feliciter vale, unà cum collegistuis, fratribus mihi in Christo amicissimis, & precor, ut in adjutorio altissimi habitent, ac in protectione DEI caeli commorentur, Studgardiaë, die 26. Decembr. Anno 1564.

Jo. Brentius.

Audio in Polonia Servetismum non tantum gliscere, verum etiam mirifice grassari. Sed sic est. Væ mundo à scandalis.

LXIV.

S. D. Cum jam in procinctu esset hic tabellarius, ut ad iter paratissimus, me accessit, & literarum aliquid à me petivit. Quia verò, Reverende & Clariss. Domine Doctor, frater in Domino Carissime, & inhumanitatis & ingratitude non vulgaris notam incurrerem, si non subinde missis literis, animi mei sinceram affectionem tibi, & toti Ecclesiae vestrae testatam facerem, hanc oblatam occasionem libenter arripui, teque hac brevi pagella hoc tempore compellare volui, ut videres, me sempiternam & fixam vestri memoriam retinere. Atque ut mecum gratias DEO aeterno patri, & Filio, Emanueli nostro agas, significo tibi, Ecclesias nostras & pacatas esse, & propter consensum verae doctrinae, beneficio clementiss. patris mediocriter florere. Idem & vestrae Ecclesiae, & caeteris omnibus in toto terrarum orbe sparsis ex animo precor. Ac te peramanter oro, ut per occasionem de statu Academiae vestrae, & Ecclesiae, quem cupio esse quam florentissimum, aliquid ad me scribas. Has quoque literas ut Domino Kotericio meo transmittas oro. Felix & salutare hujus anni curriculum vobis publicè & privatim opto. Datae subitò, XII. Januarii, 1565.

Tuus

Streitbergerus.

Z 2

LXV.